



Sekretariat
J.nr. KMS-101-00011
Ref. simho
Den 5. maj 2015

Kunngip peqqussutaat pillugu pingaanersiuineq

Namminersorlutik Oqartussat qinnutigaat, Kort- aamma Matrikelstyrelsí pillugu inatsisip allannguutaanik inatsit aamma (paassisutissat ilaannik killeqanngitsumik atuisinnaatitaaneq, immap itissusaanik uuttortaasarnerup isumagineqarnissa aamma styrelsip taaguutaata allanngortinneqarnera pillugu) inatsisit allat assigiinngitsut, kunngip peqqussutaatigut Kalaallit Nunaanni atuutilersinnejassasut.

Namminersorlutik Oqartussat qinnuteqarnerminni oqaatigaat Kalaallit Nunaat pillugu nunap assitigut Geodatastyrelsip paassisutissaataasa atugassiissutiginissaat pingajuusumullu ingerlateqqissinnaanissat Kalaallit Nunaata aningaasaqarneranut iluaqutaassasoq. Taamaalluni killeqanngitsumik atuilersitsineq suliat suliarineqartarnerannut oqilisaataasaaq, paassisutissammi pisortatut oqartussanut, suligfeqarfinnut innuttaasunullu killeqanngitsumik atugassiaassammata.

Inatsisip Kalaallit Nunaanni atuutilersinneratigut periarfissaalissaq nunap assitigut Geodatastyrelsip paassisutissaatai il.il. avatangiisinut ministerip atugassiissutiginissaanut, assersuutigalugu nunap ilusianik nunap assiliat aamma timmisartukkut assilisat pisortat oqartussaasuinut allanut, suligfeqarfinnut innuttaasunullu killeqanngitsumik atugassiissutigineqarsinnaalissammata.

Inatsimmi § 5 a-mi aamma peqqussummi § 1, nr. 6-imi Geodatastyrelsip susassaqarfiani piginnaatisissut atorlugu Kalaallit Nunaat pillugu paassisutissat nalunaarutikkut atorneqarsinnaalissapput killeqanngitsumik atugassiissutiginissaannut. Kalaallit Nunaat pillugu paassisutissat killeqanngitsumik atorneqarsinnaanerat pillugu nalunaarutissatut missiliuut kunngip peqqussutissaanut ilanngullugu nassiunneqassaaq. Nalunaarut taanna Namminersorlutik Oqartussat oqaaseqaateqareernerisigut aamma peqqussutip atuutilersinneratigut Kalaallit Nunaanni atuutilersinnejassasut.

Paassisutissat killeqanngitsut amerlasuut aallaqqaammut nalunaarutikkut atugassiissutigineqarnavianngillat taakkulu ilarpassui pisoqalereersimasussaapput pitsaassusiallu allanngorratussaassalluni. Kisianni Kalaallit Nunaata qanittukkut nunap assilioiternera pillugu siullermeertaasumik suliniut (A.P. Møllerip Aningaasaateqarfianit tapiiffingineqartoq) tunngavissiissaq siunissami paassisutissanik pitsaanerusunik nutartikkanillu killeqanngitsumik pissarsisalernissamut.

Tamatuma saniatigut inatsisip taassuma kunngip peqqussutaatigut atuutilersinneqartup kingunerisaanik oqartussaaffit 3. oktober 2011-imi allanngortiternerisigut immap itissusaanik uuttortaasarneq Avatangiisunut ministereqarfiup, Geodatastyrelsip, akisussaaffigilerpaa.

Kunngip peqqussutaani § 7a-mi pillasarmeq pillugu aalajangersagaq allanngortinneqarpoq Kalaallit Nunaanni inatsisinut naapertuuttunngortillugu.